

乾

象

通

鑑

乾象通鑑卷第八十七

河間府免解進士且李季奉

聖旨編

北方雜座統論中

敗爪星論

離珠星論

十二諸國論

離瑜星論

司命星論

司祿星論

司危星論

司非星論

天津星論

奚仲星論

車府星論

造父星論

墳墓星論

哭星論

泣星論

蓋屋論

虛梁論

天疊城論

敗瓜星論

敗瓜統占

客星犯敗瓜

彗孛犯敗瓜

流星犯敗瓜

雲氣犯敗瓜

敗瓜統占

天文別錄曰敗瓜五星在匏瓜西南其南星入斗二
十四度主果實明潤居常則果實熟暗則果實不

熟

甘德曰敗瓜五星在匏瓜北主果實蔬菜亦曰主鹽
魚明則歲熟暗則不稔五星俱亡魚鹽大貴

天文總論曰敗瓜五星主瓜果魚鹽明暗以以候其
貴賤星與匏瓜相同連星數與匏瓜同占與瓠瓜等
唯敗瓜下一星微曲匏瓜石氏所著敗瓜甘氏所著
五星統聚與瓠瓜相合則果實不收魚鹽貴百倍
陳卓叙曰敗瓜移則果瓜菜實不入市井

天文志曰瓠瓜旁五星曰敗瓜主種蒔亦主果實豐
凶亦曰主陰謀主後宮星微則后失勢

京房外傳曰匏瓜旁五星曰敗瓜明潤則果實熟明

大 角則後宮有憂亦曰美女相忌

武密曰敗瓜星立則陰謀在後宮美女有異謀亦曰
女主非理失勢

客星犯敗瓜

天文別錄曰客星犯敗瓜則後宮有進美女入有怒
角侵敗瓜後宮有陰謀相妬

天文總占曰客星乘陵敗瓜則瓜果不熟五穀不登
人饑亦曰糴貴

大象旁通曰客星有怒角乘敗瓜不去去而復來則

後宮有新進美女亦曰美女相忌后寵

京房外傳曰敗瓜中有客星有芒角則后扶干權

彗字犯敗瓜

天文別錄曰彗出敗瓜則后失勢新進美女專寵亦曰美女相毒後宮中

天文總論曰星孛敗瓜中則外戚干時政亦曰后族
權重朝士側目

陳卓曰彗出敗瓜後宮除舊實新有更立妃后

京房外傳曰星孛敗瓜有光芒及尋丈彗星不見則
后妃有憂亦曰女主有喪

流星犯敗瓜

天文別錄曰流星犯敗瓜則果實誦黃菜莢不熟

天文總占曰流星抵敗瓜光芒奄星不見則魚鹽暴貴
陳卓曰流星觸敗瓜則美女入宮光芒及丈餘後宮
有憂光芒及五丈以上后失勢

京房災異後序曰流星觸犯敗瓜星亡則女主惡之
亦曰後宮災

雲氣犯敗瓜

天文別錄曰有蒼白雲氣奄敗瓜則雨水傷果實不
收有青氣蔽敗瓜則蟲食果實有黑氣環繞敗瓜

則雨水災魚益暴責百倍

陳卓叙星占曰有黃氣氛益乘敗瓜則後宮有喜事
有黑氣如歎狀欲食敗瓜則後宮有憂亦曰女主
有喪

京房災異後序曰有黑氣如龍虎形犯敗瓜則后犯
干政以事敗

離珠星論

離珠星統占

客星犯離珠

彗孛犯離珠

流星犯離珠

雲氣犯離珠

離珠統占

天文別錄曰離珠五星在須女北其東星入女一度石申占曰離珠五星亦在須女北主後宮府藏非常則後宮亂

天文志曰離珠五星在須女北須女之府藏也女子之星也星非故常有內亂客星犯之後宮凶

陳卓曰離珠星在須女北主後宮星明則後宮府藏盈實暗則後宮有憂星坼則女主惡之星之則後宮災

客星犯離珠

天文別錄曰客星犯離珠則有暴客入後宮府藏亦曰後宮有內憂

天文總論曰客星犯離珠有怒角則女主有憂亦曰有女喪

彗孛犯離珠

天文別錄曰彗孛犯離珠則後宮有大災亦曰府藏有大災

天文總占曰彗孛犯角奄離珠則女主惡之亦曰有女喪

陳卓叙星占曰星孛犯離珠則後宮有內變亦曰女

主有陰謀

武密曰星字化離珠則後宮有妬忌亦曰女子相毒亦曰女子死非意

流星化離珠

天文別錄曰流星入抵離珠則後宮有陰謀通外姦
流星出離珠則外姦出後宮

古今星釋曰流星抵觸離珠則女主有憂亦曰後宮有憂

雲氣化離珠

天文別錄曰黑雲氣抵化離珠其野有女喪一曰陰

責人有憂黃雲氣出離珠其國有陰謀逆上令謀
及人君黃氣入離珠則後宮有喜亦曰受天子賞
賜餘色俱凶

十二國星論

周國星月五星客彗孛流星雲氣干犯統占

越國星月五星客彗孛流星雲氣干犯統占

趙國星月五星客彗孛流星雲氣干犯統占

齊國星月五星客彗孛流星雲氣干犯統占

秦國星月五星客彗孛流星雲氣干犯統占

代國星月五星客彗孛流星雲氣干犯統占

魏國星月五星客彗孛流星雲氣干犯統占

韓國星月五星客彗孛流星雲氣干犯統占

鄭國星月五星客彗孛流星雲氣干犯統占

楚國星月五星客彗孛流星雲氣干犯統占

燕國星月五星客彗孛流星雲氣干犯統占

晉國星月五星客彗孛流星雲氣干犯統占

十二國統占

天文別錄曰十二諸國一十六星黃在天田東一星
暗則一國災一星亡則一國亂一星失故常則其
國失地星執聚候其星名以占國相侵擾星疎圻

則其國勢李

天文總占曰十二諸國以其地名之因其名以候國之災祥也星明潤則所在國有喜星暗則所在國有憂

巫咸曰十二國十六星黃在天田東鄭國一星在趙國二星燕西齊國一星在九坎東秦國二星在魏西北周國二星在趙北楚國一星在魏西晉東晉國一星在鄭西南代國二星在燕南韓國一星在秦東魏國一星在韓東北七曜所化各占其國分野吉凶之事

月五星客彗孛流星雲氣干犯

周國統占

天文別錄曰周國二星其西星入牽牛六度星明測則周分有喜星暗則人君有憂星亡則國祚失月逆北周國星其野大臣有陰謀太白失度守周國星其野兵大起若晝見及經天成鈞已者國君親戎服焚惑逆北周國星其野有兵喪歲星守周國其野民不失業大豐饑星逆守周國星其野有土侵民勞怨辰星逆守周國星其國大水荒民饑客星守之有刺客入境彗孛干犯周國星其野有更

王流星抵觸周國星其野有邊兵起白雲氣入之
則其國有兵變黃氣入之國有喜慶事餘色俱凶
月五星客彗孛流彗雲氣干犯

越國星統占

天文別錄曰越國一星入牽牛五度星明潤則其國
有喜星暗則人君有憂星亡則其國失祚月逆犯
越國星其野大臣有陰謀歲星順守越國星其野
歲穰民安太白逆犯越國星其野有兵喪若經天
成鈞已者其國君自被甲冑焚惑逆犯越國星其
國有急兵若成勾已則其國有大喪鎮星逆犯越

國星其野有土功民勞怨辰星逆犯越國星其野
有大水患歲觀民飢客星犯越國星臣下有匿謀
彗孛犯越國星其野有更王流星干犯越國星其
野有兵寇邊白雲氣入之其國有兵變黃氣入之
其國有喜慶事餘色俱凶

月五星客彗孛流星雲氣干犯

趙國星統占

天文別錄曰趙國二星其西星入牽牛五度星明潤
則其國有喜星暗則人君有憂星亡則國禘祀月
逆犯趙國星其野有匿謀大臣歲星順守趙國其

野歲量民悅豫焚惑逆犯趙國其野有兵喪太白
逆守趙國其野有兵起若經天及成鈞已者人君
親戎服鎮星逆犯趙國其野有土功民勞怨辰星
逆犯趙國其野大水歲歎民饑若客星守趙國其
野有刺客入境彗孛掃趙國其野不有死君必有
亡國流星入趙國則有姦臣入國境白雲氣入之
其國有兵變黃雲氣入之其國有喜餘邑俱凶

月五星客彗孛流星雲氣干犯

齊國星統占

天文別錄曰齊國一星入牽牛七度星明潤則其野

有喜星暗則人君有憂星亡則其國失祚月犯守
齊國星則大臣有陰謀歲星頓守齊國其野歲隸
熒惑逆行齊國其野有兵喪若成鈞已者防內亂
太白逆行齊國其野有兵變若經天者其君親戎
服鎮星守齊國行逆其國有土後民勞怨辰星逆
犯齊國其野有大水患若客星守齊國其野有刺
客入境彗孛守齊國其野有更王流星入抵齊國
其國有姦使白雲氣入之其野有兵黃雲氣出入
之其國有喜慶餘邑凶

月五星客彗孛流星雲氣干犯

秦國星統占

天文別錄曰秦國二星其西星入須女三度星明潤則其國有喜星暗及動搖其國人君有憂星亡則其國將棄祀祚月犯秦國星其下有陰謀歲星順守之秦國星其國大穰焚惑逆犯秦國星其野有兵喪若成鈞已其國君惡之太白逆犯秦國星其國有大喪亦曰為白衣會若經天人君親戎服鎮星犯秦國星其野有土功民勞怨辰星犯秦國星其野大水荒若客守秦國星其野有姦謀犯上若彗孛干犯秦國其野有改立侯王若流星抵觸秦

國其野姦使入境若蒼白雲氣入之其國有兵變
若黃雲氣入之其國有變餘色凶

月五星客彗孛流星雲氣干犯

代國星統占

天文別錄曰代國二星其北星入須女七度星明潤
其國有喜星暗國有憂星亡則國失祿月犯代國
星其國有陰謀歲星逆犯代國星其國凶荒頓守
之歲豐焚惑犯代國其野有兵喪亦曰有內亂太
白逆犯代國其野有兵喪若經天成鈞已則君親
被甲冑鎮星犯代國其野有土使民勞怨辰星犯

代國其野有水災若客星守代國其野有姦臣一
曰有暴客彗孛守代國其野有革命一日有改王
流星抵代國其野有姦臣入國若白雲氣奄代國
星其國憂兵黃雲氣奄代國其君有喜慶餘色俱
凶矣

月五星客彗孛流星雲氣干犯

魏國總占

天文別錄曰魏國一星入須女五度星明潤則國有
喜星暗則國憂星亡則國失祿月犯魏國星則其
野有陰謀歲星順守魏國星則其野大穰焚惑犯

魏國其君憂兵變大白犯魏國其國有兵喪若經
天則君親戎服鎮星犯魏國其國有土使民勞怨
辰星逆守魏國其野有水災國歎民飢若客星守
魏國星其野有奸臣犯上若彗星抵魏國其野有
更王流星抵觸魏國其野有奸臣犯上一曰奸使
入境若白氣入魏國其野有兵若黃氣入之其國
有喜餘色俱凶

月五星客彗孛流星雲氣干犯

韓國星統占

天文別錄曰韓國一星入須女五度星明潤則其野

有喜星暗則其野有憂星亡則其國失祚若月逆
犯韓國星其國有陰謀大臣歲星順守韓國其野
大穰焚惑逆犯韓國其國有兵喪太白逆犯韓國
其國有大喪一曰白衣會鎮星犯守韓國主有土
功民勞怨辰星犯守韓國主國大水民饑若客星
犯韓國其國有刺客奸臣彗孛抵韓國其野有奸
使入境白雲氣入韓國其野兵黃雲氣入之其國
有慶餘色俱凶

月五星客彗孛流星雲氣干犯

鄭國星統占

天文別錄曰鄭國一星入須女一度半星明潤則其野有喜星暗則其國有憂星亡則其國失祚歲星順守鄭國其野大穰焚惑逆犯鄭國其國有兵喪若成鈞已者則有內亂太白犯守鄭國其野兵暴起若經天犯守其國君當之鎮星犯守鄭國其野有土役辰星犯守鄭國其國大水若客星守鄭國其國有奸臣彗孛抵鄭國其國有更王流星干犯鄭國有外使懷奸入境白雲氣入鄭國其國有兵起黃雲氣入之其國有慶事餘色俱凶

月五星客彗孛流星雲氣干犯

楚國星統占

天文別錄曰楚國一星入湏女三度星明潤則其國
有喜星暗其野有憂星亡則其國棄祀月犯楚國
其野有陰謀大臣歲星順守其野大穰笑惑逆犯
楚國主國有兵喪大白逆犯楚國主國有兵變若
經天犯之其國大喪鎮星逆犯楚國主有土役辰
星犯守其國大水若客星守楚國主國有刺客若
彗孛守抵楚國主國有改王流星抵觸楚國則主
奸使入國境白雲氣入楚國其野有兵起黃雲氣
入之其國有慶事餘色俱凶

月五星客彗孛流星雲氣干犯

燕國星統占

天文別錄曰燕國一星入須女五度星明潤則國有
喜星暗國有憂星亡則國失祚月逆犯燕國主臣
下有匿謀歲星順守燕國其野大穰或犯燕國
其國有兵起太白化燕國主國有兵喪若經天成
鈞已者有大喪人君惡之彗星干犯燕國其野有
土功辰星干犯燕國其野大水客星犯守燕國有
奸謀犯上彗孛干犯燕國主有更王流星入燕國
主奸使入境白雲氣入燕國其野有急兵黃雲氣

入燕國其野有虞事餘色俱凶

月五星客彗孛流星雲氣干犯

晉國星統占

天文別錄曰晉國一星入須女八度星明潤則其國有喜星暗則其國有憂星亡則其國失祚月犯晉國主有陰謀者歲星順守晉國其野大穰焚惑犯守晉國其野有急兵太白干犯晉國其野有兵喪鎮星犯守晉國其野有土功辰星干犯晉國主其國大水客星入守晉國主有暴客懷奸犯上彗孛干犯晉國其野有奸使白雲氣入奄晉國其野有

兵變黃雲氣奄覆晉國其野有虞餘色俱凶

離瑜星論

離瑜星統占

客星犯離瑜

彗孛犯離瑜

流星犯離瑜

雲氣犯離瑜

離瑜統占

天文別錄曰離瑜三星在天壘城南其西星入女一
十度主婦人衣服首飾珠玉之屬亦主後宮

至咸曰離瑜三星黃在十二國東主婦人衣服玉飾
占曰星微則後宮儉星明大則後宮奢侈客星守

之主後宮亂

古今星釋曰離瑜星在十二國東主後宮嬪御首飾
金銀寶玉之屬星明潤則後宮有喜星暗則後宮
有憂星明大而芒角則後宮奢侈星珠玕則後宮
有失勢者星彗聚則後宮有干政者星微則後宮
儉星亡則後宮有廢者

大象旁通曰離瑜星移徙則後宮有被黜者星光浮
而動搖者主後宮有新進美女爭寵

客星犯離瑜

天文別錄曰客星犯離瑜則後宮有亂亦曰女主有

憂

巫咸曰離瑜主後宮客星化之則女主惡之

古今星釋曰客星化離瑜若色白如粉絮主後宮有

匿謀

彗孛化離瑜

天文別錄曰彗星如帚掃離瑜星主後宮大有喪一

曰女主惡之

古今星釋曰星孛離瑜星主後宮有生廢嬪御一曰

後宮有喪

流星化離瑜

天文別錄曰流星抵觸離瑜星主後宮有新進美女
一曰有寵美女懷妬忌

古今星釋曰流星出離瑜主後宮有嬪御被黜一曰
後宮有失勢者

雲氣犯離瑜

天文別錄曰黑雲氣干犯離瑜星後宮有匿謀黃雲
氣干犯離瑜星後宮生太子一曰後宮有喜慶事
白雲氣入離瑜星則後宮有兵起一曰白衣會青
氣出入之為嬪御奢侈赤氣入之有火災一曰後
宮災

司命星論

司命星統占

客星犯司命

彗孛犯司命

流星犯司命

雲氣犯司命

司命統占

天文別錄曰司命二星在虛北其東星入女一十度
主刑罰

甘德占曰司命二星黑在虛北主舉過行罰以當其咎
天文志曰司命二星在虛北主舉過行罰以戒不祥
古今星釋曰司命二星主刺舉奸邪以罰過失以珍

不祥星明潤則主刑罰中星暗則有濫刑星疎
則刑罰施而不振二星光相及奄一星主濫刑加
良善星亡則法度大壞

大象旁通曰司命星在虛北主彈舉非法以刺過失
星移動則刑罰不公執法者私心星光浮而教動
搖則人君有枉法一曰天下有寃獄

客星犯司命

天文別錄曰客星犯司命主執法者失職一曰執法
者以事坐法

古今星釋曰客星犯司命若色白如粉絮主貴臣坐

法一曰匡下受誅

彗孛犯司命

天文別錄曰彗孛干犯司命星主大臣被黜一曰彗掃司命則大臣責

古命星釋曰星孛干司命星主執法者以弛慢坐罪一曰司命出彗法官坐罪

雲氣犯司命

天文別錄曰黑雲氣干犯司命星主刺舉不以公心天下有枉法一曰人君賞罰不當其宜黃雲氣入司命法官受賞白雲氣出入司命執法者掌兵青

赤氣入之則主臺諫非其人

司祿星論

司祿星統占

客星化司祿

彗孛化司祿

流星化司祿

雲氣化司祿

司祿統占

天文別錄曰司祿二星次司命其西星入女一十一度主增壽箕星實司之

甘德曰司祿二星黑在司命北主德行祿壽事星實司之

天文志曰司命北二星曰司祿增年延德故在六宗之祀

古今星釋曰司祿二星在司命北主德行壽考星明潤則人君壽考民富國康星暗則君有憂星昧圻則無功者受厚祿星就聚則主享厚祿者懷奸謀星亡則人君素祀

大象旁曰司祿星光浮而數動搖則主人君祿無功一曰小人乘君子之器共國亂星移徙有失祿輔臣

客星祀司祿

司危星論

司危星統占

客星犯司危

彗孛犯司危

流星犯司危

雲氣犯司危

司危星統占

天文別錄曰司危二星次司祿共東星入虛一度主驕奢淫佚星實司之

甘德占曰司危二星黑在司祿北主驕佚之行奢侈之事星實主之

天文志曰司祿之北二星曰司危主驕佚亡下

古今星釋曰司危二星在司祿北主人君驕奢淫佚
不親國政星實司之星明潤則人君有德政恭儉
節用以身率民星暗則國政大壞天下喪亂以致
禘祀

陳卓叙占曰人君不脩德行不親百姓以奢侈恣
其國危故司危星亡傳曰司危亡則國亡星移徙
則人君徙都市

客星犯司危

天文別錄曰客星犯司危星主人君驕奢淫佚不脩
德政以親民務而壞其國政故客星犯守司危也

古今星釋曰客星干犯司危星主人君驕淫失國一曰客化司危其國失

大彖旁通曰客星大如杯守司危星主人君德不通于天故客星守之

彗孛犯司危

天文別錄曰彗星孛犯司危星其國君失德國失祚一曰有革政

古今星釋曰星孛司危其國有死君又曰有自立諸侯王

流星犯司危

天文別錄曰流星干犯司危星其國君出奔一曰有
彗臣逼君

古今星釋曰流星抵司危其國有荒政一曰有亂君
匿臣

雲氣犯司危

天文別錄曰黑雲氣如獸狀奄司危人君新戎服青雲氣入
白雲氣如劍戟狀奄司危人君新戎服青雲氣入
之國有廢事赤雲氣入之國異政黃雲氣入之人
君有喜事

司非星論

司非星統占

客星犯司非

彗孛犯司非

流星犯司非

雲氣犯司非

司非星統占

天文別錄曰司非二星次司危其東星入危二度主
枉法不公之事

甘德占曰司非二星黑在司危北主徇情曲法以徇
不公

天文志曰司又次北曰司非星主以法執私

古今星釋曰司非二星在司危北主執法者徇情曲

法不以公天下怨謗故星明大而有芒角也星暗則法曲星昧坼則法令廢星統聚則法官有朋黨亦曰有匿謀罪加無辜

大象旁通曰司非星移徙執法者輕重其手星亡則法度大壞光浮而教動搖則天下有冤獄罪及忠良天下怨之

客星犯司非

天文別錄曰客星干犯司非星主功罪不得其宜若色如粉絮君之法令不公百姓怨嗟

大象旁通曰客星抵司非其國執法者懷奸佞以誣

人君

彗字犯司非

天文別錄曰彗星如帚掃司非星國法大壞一曰紀

網察

古今星釋曰星字干司非星國有異政一曰國將亡則星字非司

流星犯司非

古今星釋曰流星抵觸司非星無功者在高位一曰實不信罰不必又曰刑罰不中

天文總占曰流星干犯司非星主執法者逐司非出

流星御史官被逐

雲氣犯司非

天文別錄曰黑雲氣犯司非星其國有曲法一曰有枉法加良民黃氣出司非法官受賜又曰御史受實白雲氣奄司非刑法加大將又曰有紫獄主將餘色俱凶不利法官

天津星論

天津星統占

客星犯天津

彗孛犯天津

流星犯天津

雲氣犯天津

天津統占

天文別錄曰天津九星在河中其西北入斗二十三度主開津道路

石中占曰天津九星赤在虛北匏瓜東主津渡星明動兵起不正馬貴三星亡天下陷一星亡道不通天文志曰天津九星津梁所度神通四方也一星不備津關道路不通星明動則兵起如沙死人若亂麻微而參差則馬貴若死星亡若徒河水為害或曰水賊稱王也

古今星釋曰天津九星主天下津河及開梁星明潤

天下和平星暗閔津不通星明大及動搖大水一
曰兵起星明大出怒角百川溢糴貴民死

河圖遺書曰天津星踈圻主江河暴漲毀城邑殺人
民星就聚則天下水患民饑人相食

大象旁通曰天津九星形如弓若星直及移徙主城
邑陷糴貴人相食

客星犯天津

天文別錄曰客星干犯天津星則河津不通舟航阻
水寇為害

古今星釋曰客星犯抵天津五十日以上主水寇起

兵一曰有亂兵

彗孛犯天津

天文別錄曰彗星干犯天津則江淮有兵變一曰有水寇傾國一曰人君有憂

古今星釋曰星孛犯天津星主其國有亂兵一曰有兵變

晉安帝隆安四年十二月戊寅有星孛于天津占曰天津為賊斷王道天下不通五年二月孫恩兵亂改侵郡國於是內外戒嚴營陣屯守柵斷淮口

流星犯天津

天文別錄曰流星犯天津星主大雨水漂人民毀郡邑
古今星釋曰流星觸天津星其國大水患百川溢民
饑糴資

後漢和帝永元元年三月丙辰流星起天津為大水
是歲七月雨水漂人民是其應也

永元二年十月癸未有流星大如桃起天津西行六
丈所消其至五年七月漂殺人民傷五穀

永元七年正月丁未有流星起天津入紫宮中城邑
青黃有光十二月己卯有流星起文昌入紫宮消
皆為大喪八年四月樂成王黨七月樂成王宗皆

堯

雲氣犯天津

天文別錄曰黑雲氣犯天津星其野大水一日有水
荒民饑餓黃雲氣入天津主關津通白雲氣出天
津有水寇爲害餘色俱凶

美仲星論

美仲星統占

月五星犯美仲

客星犯美仲

彗孛犯美仲

流星犯美仲

雲氣犯美仲

美仲星統占

天文別錄曰美仲四星在天津北其西星入壁九度
主兵車之用

巫咸占曰美仲四星在天津北古車正也主兵車星
明則兵車備暗則車革不修

陳卓叙占曰美仲四星主兵車之用星疎坼則兵車
不備星移則兵車四起星亡則兵車失利

天文總占曰美仲星在天津北主人君兵革星明潤
則車馬修器械備星暗及教動搖者則人君失車

騎將

天文志曰美仲四星在天津北主兵車占曰金火守

兵車起

月五星犯箕仲

天文別錄曰月逆行犯箕仲星主兵車不時出一曰兵不以律月暈箕仲期五日有大風雨不則有急兵古今星釋曰歲星順守箕仲共國兵強一曰兵威振鄰國彗或逆守箕仲其野有兵喪太白犯箕仲主車騎滿野一曰天子兵盡行

客星犯箕仲

天文別錄曰客星犯箕仲其野有兵謀一曰主將有異謀

古今星釋曰客星大如杯碗守矣仲星其國君有兵
憂一曰兵起不意亦主有急兵

彗字犯矣仲

天文別錄曰彗星掃矣仲天子兵盡出凶角所指軍
破國亡

古今星釋曰星字矣仲人君憂兵變亦主國有大喪
又曰星字矣仲革車均用

流星犯矣仲

天文別錄曰流星犯矣仲則天子遣兵車出征亦曰
以兵禦侮若星流有聲如雷則大將以兵叛至

古今星釋曰流星色白芒角可丈所光若大炬然主車騎滿野一曰人君失車騎將

雲氣犯美仲

天文別錄曰黑雲氣入美仲則天子不備兵車一曰內有兵變黃雲氣入美仲大將受斧鉞之擁青赤氣入美仲三軍之食一曰士卒爭食內亂白雲氣如兵器入美仲有急兵

車府星論

車府星統占

月五星犯車府

客星犯車府

彗孛犯車府

流星犯車府

雲氣犯車府

車府星統占

天文別錄曰車府七星在天津東河中東西列其西頭星入虛七主車府之兵革

甘德曰車府七星黑在司祿西北主車府占曰大守兵大動

天文志曰車府七星近河邊主兵車之官

陳卓叙占曰車府七星主兵車星明則車府有備星暗則車革不修

大彖旁通曰車府星圻則兵車有彗星移則兵車有

火災亦曰兵車失利

高宗占曰車府星就聚河中失故處則兵火四起亦
兵車有憂

月五星犯車府

天文別錄曰月逆犯車府星主兵車之兵官失職被
逐焚惑犯車府則兵器府有火災太白犯車府星
其國有急兵一曰人君憂兵

客星犯車府

天文別錄曰客星干犯車府星主軍營有暴客懷謀
若客星色蒼白有聲如雷不有破軍必有死將

古今星釋曰客星干犯車府主車騎盈野亦曰器府
有災

彗孛犯車府

古今星釋曰彗孛星掃車府主將適三軍散走若光
芒所指亡三軍兵器委積如山又曰破軍殺將

大象旁通曰星孛車府主車馬不修器械不備兵變
不測其國憂兵火亦曰星孛車府軍失行伍

流星犯車府

天文別錄曰流星抵觸車府主外寇內侵利害不利主
古今星釋曰流星干犯車府主國失車騎將亦曰國

失地君有憂

雲氣犯車府

天文別錄曰黑雲氣入車府主兵出不以律亦曰三軍失行伍蒼白氣入車府主車馬不修器械不備黃氣出車府人君有威權青赤氣入車府其國車騎滿野

造父星論

造父星統占

月五星犯造父

客星犯造父

彗孛犯造父

流星犯造父

雲氣犯造父

造父統占

天文別錄曰造父五星在騰蛇北其東星入危五度
半主御官

廿德占曰造父五星黑在鈞星西主御官占曰星不
見則馬暴貴星明則車馬備

天文志曰造父五星在騰蛇北主御車馬明吉暗凶
河圖遺書曰造父為天子御官主奉御之職星傳與
王良同占星明潤則吉不明則天下馬貴星疎炸
則人君不修車馬星就聚則奉御有異謀星移徙
則御官以失職被逐者星動搖及變色者則法駕

有憂

月五星犯造父

天文別錄曰月犯造父主賤臣干政一曰臣下矯制
熒惑犯造父主下犯上太白犯造父主車駕有憂
震若經天及成鈞已者法駕震一曰有兵變

客星犯造父

天文別錄曰客星犯造父主兵車寇畿甸一曰天子
憂兵

古今星釋曰客星出造父王者法駕侍衛有叛謀一
曰君惡之

彗孛犯造父

天文別錄曰彗星出造父則天下有更王傳曰彗所
以除舊寘新天子惡之一曰為兵喪

古今星釋曰星孛造父奉御匿謀一曰下犯上臣逼
君

流星犯造父

天文別錄曰流星抵觸造父主奉御不安微亦曰天
孛有憂

古今星釋曰流星出造父主法駕移亦主人君出狩
亦曰兵起

雲氣犯造父

天文別錄曰黑雲氣入造父則為內兵出造父為外
兵白雲氣入出造父主天子不安王庭亦主宗廟
有冥黃氣入之奉御以職受賞

墳墓星論

墳墓星統占

客星犯墳墓

彗孛犯墳墓

流星犯墳墓

雲氣犯墳墓

墳墓統占

天文別錄曰墳墓四星在危東北其中星入危六度

主死喪送葬之事

石申占曰墳墓四星在危下主喪葬占曰明多死亡
天文志曰泣星東北四星曰墳墓主死喪之事

古今星釋曰墳墓星主死葬之事星不欲明大明大
則主有大喪星直列主責人暴死星明大出怒角
其野有死君星躔坼天下多疾疫星就聚其野有
遺尸

大彗旁通曰墳墓星移徙則其國營陵一曰太陵有
新喪星微明及不凡則吉

客星犯墳墓

天文別錄曰客星化墳墓星其國多死葬主人君諒
陰客墳墓人君惡之

大彖旁通曰客星出墳墓大如椀色白如粉紫其國
有大喪

彗孛化墳墓

天文別錄曰彗星掃墳墓天子惡之主國有更王一
曰有墓弑之禍

古今星釋曰星孛墳墓星其國有死君一曰有大喪
流星化墳墓

天文別錄曰流星抵觸墳墓星其國有外喪一曰人

君當之

古今星釋曰流星出墳墓星共國有大兵喪一曰諸侯有死喪送奠之事

雲氣化墳墓

天文別錄曰黑雲氣入墳墓星共國有喪禍出墳墓有兵起黃雲氣入墳墓星外國有喪天子遣弔使餘色俱凶

哭星論

哭星統占

五星化哭星

客星化哭星

彗孛化哭星

流星犯哭星

雲氣犯哭星

哭星統占

天文別錄曰哭二星在虛南其西星入虛二度主哭
泣死喪之事

甘德占曰哭二星黑在墳墓南星不欲明明則多哭
泣事金守亦然常暗不欲明則吉

天文志曰哭二星與泣星相並不明則吉明大則多
死亡哭泣之事

古今星釋曰哭二星不喜明貴暗若星明失則死人
如山若明大出怒角則多貴人喪星移主貴喪暴

露星亡爲得常則吉遇變則凶一曰國多死喪

五星犯哭星

古今星釋曰焚惑犯哭星主天子有哭泣事太白犯
哭星主天下有大喪哭泣之事若太白經天或逆
犯哭星主兵喪

晉穆帝昇平二年十月己未太白犯哭星占曰有大
哭泣

晉孝武太元元年九月焚惑犯哭星占曰天子有哭
泣事四年十一月丁巳太白犯哭星占曰天下有
哭泣事五年九月皇后王氏崩二十一年六月歲

星犯哭星占曰有哭泣事是年九月帝崩恭帝元
熙元年七月己卯太白犯哭星安帝隆安元年正
月癸亥彗惑犯哭星占曰有哭泣事六月姚萇攻
洛陽郗恢遣兵救之冬姚萇死子略代立魏王圭
即位於中山

客星犯哭星

天文別錄曰客星犯哭星其國有大哭泣事若客星
出哭星主有外喪

古今星釋曰客星大如五升器守哭星積二十日以
上其國有大喪人君當之

彗孛化哭星

天文別錄曰彗星掃哭星主人君諱陰一曰為白衣會若芒角所指國必亡

古今星釋曰星孛出哭星其野有大戰殺人盈野血流地上亦曰有屠城

流星化哭星

天文別錄曰流星干化哭星人君有大憂若流星出哭星其國人君自將兵

古今星釋曰流星抵觸哭星則兵聚其下伏尸于野積骨如丘山

雲氣化哭星

天文別錄曰蒼白雲氣入哭星人君有大喪出若蒼
白氣出哭星禍除赤氣入哭星有女喪青氣入哭
星人君有大憂黑雲氣入哭星主兵起

泣星論

泣星統占

月五星化泣星

客星化泣星

彗孛化泣星

流星化泣星

雲氣化泣星

泣星統占

天文別錄曰泣二星在危南其西星入危二度半亦

主哭泣之事

甘德占曰泣二星黑在墳墓南與哭星相並星不欲
明潤欲其微暗暗則吉明大則多死亡星竦坼相
遠而有光芒及怒角則天下多死喪哭泣之事亦
曰棺木暴貴

天文志曰哭星之北二星曰泣星主哭泣之事亦主
天下喪葬哭泣之事

古今星釋曰泣星明出怒角乍東乍西光而不定者
天下多死喪若星不見則國有喜

月五星化泣星

天文別錄曰月逆犯泣星其國疾疫橫尸滿野不然
有暑城

大象旁通曰歲星犯泣星人君憂兵喪焚惑犯泣星
在陰有女喪在陽有男喪在泣星中人君惡之

晉安帝隆安元年正月癸亥焚惑犯泣星占曰有哭
泣事四年六月辛酉月犯泣星其年七月太皇太

后李氏崩

義熙二年九月壬午焚惑犯哭星又犯泣星占曰有
哭泣事七年十一月丙子太白犯泣星占曰有喪
葬事

八年八月戊申月犯泣星占曰人君惡之

客星犯泣星

天文別錄曰客星犯泣星其國有諒陰事一曰兵出不意防內亂人君有憂

古今星釋曰客星大如杯椀守泣星主有外喪一曰有外寇暴起

彗孛犯泣星

天文別錄曰彗星掃泣星人君憂兵喪一曰其下有

亡國

古今星釋曰彗孛干泣星其野有屠城

流星犯泣星

天文別錄曰流星干犯泣星人君有憂若流星出泣星主天子遣大將出征色白有聲兵潰將死

古今星釋曰流星抵觸泣星兵戰其下一曰有伏尸流血積骨如丘山

雲氣犯泣星

天文別錄曰白雲氣奄泣星主人君有哭泣事赤氣出泣星主兵戰于野白氣出泣星戰不利客為主者勝

蓋屋星論

蓋屋星統占

月五星犯蓋屋

客星犯蓋屋

彗孛犯蓋屋

流星犯蓋屋

雲氣犯蓋屋

蓋屋星統占

天文別錄曰蓋屋二星在危南其西星入危九度主

宮室修造

甘德曰蓋屋二星黑在危南主宮室占曰火金守之

兵起彗孛尤甚

天文志曰天壘城南二星曰蓋屋主治宮室之官也

古今星釋曰蓋屋星在危南主修宮室治闕廷之官

星黃潤則國君務本不尚奢侈星明大出怒角其
國有大役星亡則徙都市星移徙則宮室一新下
民勞怨

月五星犯蓋屋

天文別錄曰月逆犯蓋屋主人君修宮室治土功災
惑入蓋則宮闕災一曰人君惡之太白化守蓋屋
人君興土役民怨為亂

客星犯蓋屋

天文別錄曰客星干犯蓋屋其野以土木勞民上下
胥怨

古今星釋曰客星抵蓋屋主人君崇樓殿以蠹國用
一曰國用匱乏下民怨謗

彗孛化蓋屋

天文別錄曰彗孛星掃蓋屋星其國有政王一曰彗
掃蓋屋則土功興役則國祚棄故星傳所
謂彗掃蓋屋則國除

古今星釋曰星孛蓋屋其野社稷傾一曰有星孛于
蓋屋主土功興社稷傾

流星化蓋屋

天文別錄曰流星化蓋屋主宮殿崩陷天子有驚震

一曰外奸通內謀

古今星釋曰流星抵觸蓋屋人君務奢侈以壯宮于
勞百姓耗國財天下怨嗟

雲氣犯蓋屋

天文別錄曰黑雲氣入蓋屋人君竭民力以恃土侵
天下不安民失其業

古今星釋曰黃雲氣入蓋屋主人君德

虛梁星論

虛梁星統占

月五星犯虛梁

客星犯虛梁

彗孛犯虛梁

流星犯虛梁

雲氣犯虛梁

虛梁統占

天文別錄曰虛梁四星在虛東其西星入虛七度主天子園陵寢廟之所

至咸占曰虛梁四星黃在蓋屋前主園陵寢廟之象星釋柝則王者惡之星徙則有大喪星亡則園陵有災

天文志曰蓋屋前四星曰虛梁主園陵寢廟之所

古今星釋曰虛梁星在虛東主天子園陵寢廟之所星不欲明大而喜微明若明大而有芒角其國大

喪星細明而黃潤不失其常國祚安人君壽若光
浮而數動搖者其國兵喪大人惡之

大象旁通曰虛梁星移徙國有大喪大人當之星亡
則寢廟有災一曰人君諒陰

陳卓叙占曰虛梁星明出角則人君有大憂亦曰國
有喪

月五星犯虛梁

天文別錄曰月犯虛梁其下有女喪一曰園陵興土功
陳卓叙占曰彗惑犯虛梁主寢廟有火災一曰天子
惡之太白犯虛梁其國有內變一曰宗廟毀國祚亡

客星犯虛梁

天文別錄曰客星犯虛梁其下有外表一曰有貴喪亦曰大人當之

古今星釋曰客星犯虛梁大如椀色白如粉絮其國死君亦曰有亡國

彗孛犯虛梁

天文別錄曰彗星掃虛梁人君惡之一曰其下有更王

大象旁通曰孛孛虛梁其國有死君一曰寢廟有災

流星犯虛梁

天文別錄曰流星抵觸虛梁其國有外喪一曰暴死
貴人

古今星釋曰流星干犯虛梁其下有兵變傾覆宗社
天子惡之

雲氣犯虛梁

天文別錄曰黑雲氣入虛梁其野有內亂寢廟焚毀
白雲氣入虛梁主有兵起寢廟一曰有兵喪

天壘城論

天壘城統占

客星犯天壘城

彗孛犯天壘城

流星犯天壘城

雲氣犯天壘城

天壘城統占

天文別錄曰天壘城一十三星圓如大錢在哭星南
二尺其西北星入女一十三度主夷外國

巫咸占曰天壘城一十三星黃在泣星南星開口則
夷狄猖獗中原星不圓則外夷入寇星直則匈奴
入境星明大有怒角則外侮不禦王者治者道不
舉外寇內侵

天文志曰泣星南十三星曰天壘城如貫索星狀主
北夷零丁匈奴

古今星釋曰天壘城星主夷狄之國星暗則吉星明則中國有邊警星疎坼其國有不庭之方星就聚其野有邊患十三星俱亡則中外交兵

客星犯天壘城

天文別錄曰客星入天壘城外夾有兵誅一曰邊地

有警

計科切
天也

邊民受禍

大象旁通曰客星入天壘城中國起兵伐外國若出天壘城則不有破軍必有死將

彗孛犯天壘城

天文別錄曰彗孛星掃天壘城外夷強盛入寇邊陲

古今星釋曰星字天皇城其下有死君一曰有易王
流星化天皇城

天文別錄曰流星抵觸天皇城外國有奸使入中國
古今星釋曰流星抵天皇城其野有強兵一曰遣將
出境

雲氣化天皇城

天文別錄曰黑雲氣入天皇城中外交侵一曰中國
遭擾黃雲氣入天皇城夷狄順命白氣入之有急
兵餘俱凶